

玉樹土司調
查記

姚明輝題



玉樹調查記序

玉

樹

調

查

記

大中華民國八年八月八日。傳甲編印京師地理志成。隴西學者。會商分纂甘肅省志。得識王子天柱。并讀周子希武玉樹調查記。憶去年在西湖。編浙江志。遇青海屯墾使蒯壽樞。抵掌西北。縱論五年前建議改行省。及江源河源之形勢。方擬句當東南事了。經營西北。今讀周子書。益知玉樹天產地質人情。如身歷其境。誠大中華青海地理志之藍本也。王子徵序。不敢率應。伏念先祖劍秋公。從戎仕蜀。兩宰鹽源。所屬土司。莫不畏之如神明。惟在絕賄賂耳。先君子麗生公。于役雅州以西。窮探險阻。不幸六歲失怙。不克繩武。繼志爲憾。先妣林下老人。將門之女。有文武才。嘗與河西女士司嶺李氏。馳馬於峻阪。發強弩。以殪熊鹿。番族驚歎。傳甲因母教成立。兒時即守祖父所遺一統圖。視爲吾家第一宗財產。今與王子夜談。猶披康乾舊圖。覓玉樹四土司所在。先君子之手澤。猶丹黃雜於圖眉。傳甲兒時。因先妣以瑤池阿媽屬對。即以玉樹土司應之。時八比俗儒。茫然不知所謂也。今世界進化。然中國人不知中國事者極多。本省本縣之人。且不注重本省本縣之地理。何能責之萬里以外之邊徼乎。傳甲講學湖南。即崎嶇苗疆。教以同化。列之膠庠。服

官廣西。佐治藩幕。卽建議收土州土縣。改設流官。昔設彈壓員者。今已正名縣知事矣。北度龍江。以提學勸業之力。墾蒙荒而設治。凡索倫、鄂倫春。亦立專校。蓋酋長政體。過於專制。封建世襲。無異君主。茲當共和進化之時。傳甲筆端。遂大有掃滅土縣蒙旗之勢。而不自知也。玉樹土司。決不能永久保存。中華開青海省。則必爲玉樹道。中壩、格吉。皆他日之縣也。我不經營之。人必經營之。英圖西藏。以青海爲勢力範圍。南北當軸。果有良心上之覺悟乎。請三復周子之書。共圖拓殖之計乎。閩侯林傳甲序於京師雙藤花館

玉樹調查記序

玉

樹

調

查

記

玉樹二十五族故屬甘肅有清時由青海辦事大臣主管民國初元川邊誤爲甌脫置吏兵焉番族以屬甘久又因川軍供給不樂屬川兩省有異議而入告中央之文名稱互歧政府未察而兩從之乃益糾結不可解三年春廣建持節至隴以甘人周觀察使務學樸質耐勞苦習兵事特請於中央令赴海南與川省官吏會勘界務得諾以周君希武明習邊事令偕行至玉樹經年通情宣德捐爭解紛慰勞疾苦推詢向背咨究故實番民遮道膜拜籲訴願仍隸甘廣建達其情於是玉樹仍爲甘省轄境甘與青通郵而合一周君希武並以其間著玉樹調查記二卷海南旅行記一卷於番族分合山川形勢敘次明確廣建嘗觀有清一代儒碩踵出其著書論析西北地理者甚衆然於青海則已略至海南玉樹二十五族私家記載更闕然無之蓋荒落僻遠學人足跡罕至至者又率不學不能抉摘稽比以供當代士夫之考證滋足憾也今周君以淹雅之才躬歷絕徼周諏周度備述聞見翔實精覈無單詞隻字嚮壁虛造其用心可不謂勤乎夫青海爲吾國神皋奧區亙古未闢之陸海峴國者涎之而玉樹者乃其西南菁華所萃土腴而產富其可欲殆又甚

焉自西藏跋扈川邊雲擾而玉樹形勢已孤剝床及膚藩籬洞撤涓涓不塞將成江河廣
建以奉命裁青海長官而全青直屬甘肅融合版圖無他機關歧出梗阻因請設甘邊寧
海鎮守使積極規畫來增戍兵創台站置理事員已次第粗舉又請設青海甘邊屯墾使
冀專事墾闢以漸收移民實邊教農固圉之效然格於勢而不得行者十尙八九刈榛闢
塗謀尺而進寸非徒苦於財絀兵單亦以通曉邊事之才不多觀唱者曉音而和者希也
茲之印布此書既以揚闡周君苦心尤欲警起國內閱達俾共注意於邊事云爾

中華民國八年春合肥張廣建撰

自序

青海南部有囊謙等土司二十餘族皆番也衛藏通志謂之阿里克等四十族其其間唯

玉樹四土司本蒙古部族游牧通天河上流番人謂之達木其地當西寧入藏孔道常代

表海南各土司支辦供億故西寧案牘率呼海南各土司為玉樹等二十五族及其久也

則沒去等字徑呼為玉樹二十五族遂以專名為公名正猶隴省之名甘肅耳元之甘肅

西諸州路及寧夏額濟納等地自洮河蘭會以東皆隸陝西而省治又在甘州故曰甘肅

等處行中書省其名本正明發甘肅省併于陝西清初因之雍正分省時大勢以隴山為

界乃沿用元人甘肅之名此當事者之不學也而川邊附近囊謙目為隆慶二十五族降慶者囊謙之轉音也近

年經略川邊者謂二十五族為化外之民脅令投誠且置戍焉已得命於中央矣而番民

久隸西寧不樂屬川屢訴於甘而甘省所據以入告之文猶然玉樹二十五族也隴蜀共

爭一地而稱名互歧紛紛爭執踰年莫決中央乃飭兩省派員會勘時合肥張勳伯上將

初督甘肅以邊關道尹忠武軍統領周務學樸實耐苦文武兼資請特派為查勘界務大

員謂希武頗究心邊事委充隨員洪陽牛君載坤故習測繪學遂邀與俱行以民國三年

自序

八月由蘭首途至西寧取道海南小路踰大積石山絕河源渡崑崙即巴顏哈拉山涉金

玉 樹 調 查 實 記

沙江朝犯瘴癘暮逐水草徑無人之地千餘里艱苦備嘗以十一月晦抵結古即多牛君復衝寒冒險徧歷各族測繪地圖希武則訪問長老參攷圖志真象既明疑誤冰釋周特派員乃具條兩省誤會之由及番情向背之機隴蜀控制之宜由張勳伯上將轉達中央踰年三月奉令玉樹二十五族准仍歸甘肅西寧管理川兵退出境外凡駐結九閱月界務蕺事希武公牘餘暇輒最錄所聞並參以牛君調查所得久之盈卷以類排比稍加刪潤命曰玉樹調查記沿用訛名取便稱謂也乃爲序曰禹貢析支崑崙說者以爲析支在河首崑崙在今新疆和闐南而雍州黑水清儒謂卽潞江番人所謂哈喇烏蘇者是也揚雄雍州牧箴黑水西河橫截崑崙邪指闔闔畫爲雍垠今玉樹二十五族在崑崙之東黑水之北河源之南其爲禹貢雍州封略所及可斷言矣殷周盛時自彼氏羌莫不來享來王三代以降帝王德衰不能及遠於是漢有西羌之禍唐有吐蕃之患而禹迹故壤遂以敵國異域視之矣唐太宗至以宗室女爲公主下嫁吐蕃其酋迎之河源卽今娘磋北境是也元起朔漠囊括亞洲二十五族夷爲奴隸明逐蒙古而青海餘孽猶役屬玉樹清初始脫奴籍羈縻勿絕及其衰也蒞盟委員視爲利藪誅求椎剝番不勝困而勢已積弱卒

玉

樹

調

查

記

亦無敢有抗顏行者。始吐蕃盛時北陷河隴南沒松維以唐之強而不能遏其狂。及佛
教大行於吐蕃人種日滅殺心漸弭而獷悍忍鷙之風亦稍稍衰矣。故以趙宋之文嬴而
吐蕃不能大爲邊患。明之季年套虜跳梁海西不聞海南有煽動之事。清之中葉南番剽
掠河北不聞西番有響應之謀。斯非佛力去殺之明效歟。然天下之患每伏於大利之中。
彼唯不能爲吾患則亦不能禁制遠夷而爲吾効保塞之助。王船山謂近夷衰弱適足爲
崛起遠夷之資。其今日吐蕃之謂乎。童騃無識被人傀儡終且俛虎教猱狃糠及米。况二
十五族與彼壤地毘連又同種同教哉。玉樹不保勢將北擾蒙古禍必中於渾中東煽果
貉患且及於洮岷吾甘來日其吁食乎。今國家縱不能急切圖藏豈可坐令玉樹爲之資
耶。顧玉樹鄙遠艱食宿兵實難內地轉餉寧能持久計唯亟經營附近西寧蒙番逐漸拓
殖以及玉樹而經略之基須寧海特別區域實行後以渾中之全力萃於青海始克有濟。
蓋自海濱以至河首荒原亂岫豐草大泊目極千里往往無人唯剛咱果貉諸野番時出
沒其間自非三月聚糧盛列卒徒莫敢前往者。倘兵屯旣列亭障相聯道路無虞來往玉
樹者漸多然後以兵保商以商興屯以屯足食而瘠陲可化爲沃壤玉樹之植基旣固卽

可聯絡川邊以爲制藏之計。今歐戰方酣。不暇東顧。吾國人欲經略海藏。此誠千載一時之機會。失今不圖。後必噬臍。而世之君子方且競爭權利於中區。蹄涔之水。坐視百餘萬方里之陸海榛莽。際天以待他族之開闢。此希武與牛君所爲。讀山有樞篇而相視流涕者也。乃發憤述玉樹調查記以爲經略青海之嚆矢。並以質世之留心邊事者。都四萬餘言。

玉 維廿五族。荒服於清。民國勘撫疆索以明。述部落記第一
樹 兩戒維首。崑崙之墟。昔導厥委。今詳其初。述山脈記第二
調 夏娵導江。不竟其源。黑水雍略。後儒異言。述水道記第三
查 與康犄唐。是亦一奇。險阻旣著。籌邊是資。述地形記第四
記 清末政圯。蒙藏披離。鑒彼圖此。勿謂小夷。述政治記第五
吐蕃崇佛。殺去力衰。因勢利導。勝國是師。述宗教記第六
聚斃鳥葬。獸心未革。立教易俗。匪伊朝夕。述風俗記第七
貨棄於地。地瀕於邊。混沌不鑿。人將我先。述實業記第八

蝸角蠻觸。睚眦搆兵。事近蒐瑣。可燭番情。述掌故記第九
荒裔晚著。史籍無徵。輟舉所見。西瓜東鱗。述攷證記第十

例言

一玉樹本囊謙等二十五族中之四族而甘肅歷來舊案以專名爲公名相沿已久今姑仍之

一番名山曰拉水曰曲一作楚灘曰通一作塘溝中有灘曰雲無曰囊一作耶曰隴曰科

兩水之交曰松多硤曰尕湖泊曰錯今概循用番稱以符名從主人之義

一番族戶口及取民之制最難得其真象蓋恐增加負擔或奪其利權故多隱匿不實今姑就可攷者書之

一近人志地理於山脈水道大率有表意在力求簡明而披閱之下反難了然今仍仿禹貢水經之例分條叙次似較便觀覽焉

一玉樹荒裔晚著舊籍可徵者絕少唯衛藏通志西寧府志胡文忠一統輿圖青海調查記源楊某著僅二十餘頁載其崖略其餘材料皆此次調查所得雖掛一漏萬然非耳食博雅君子能補而正之更末學所祈望也

一經略玉樹之策希武尙有芻議一卷此書止述風土未能多及次出將以

玉樹調查記卷上

天水周希武著

部 落

王 樹 調 查 記 卷 上

海南各土司除少數蒙古族外其餘言語狀貌宗教風俗大類西藏族蓋羌渾吐蕃之裔也其棲息之地爲金沙鴉磧瀾滄諸江之上流在虞夏爲雍州蠻荒之地殷周迄漢爲西羌地晉及六朝迭爲吐谷渾白蘭党項所據唐宋以降爲吐蕃地元明以後其土人夷爲蒙古奴隸清初始脫奴籍載在貢馬番族之列二百七十年來唯以羈縻爲政策會盟徵求之外聽其自生自滅而不爲之所乃至種落分合之故番酋嗣襲之常檔冊亦略而不具入民國後遂以稱名之互歧釀成隴蜀之爭執紛紛者踰年而不決夫玉樹屬隴屬蜀猶之中國也所憂者附近西藏隱患方長耳余隨使玉樹訪問長老參考圖志始得其種族區分之詳述部落記而以位置疆域弁於篇首

玉樹在青海之南部地形縱狹橫廣南盡北絕一度當維曲鄂穆曲二水之間川邊昌都之北北盡北緯三十五度三十分當黃河源星宿海之南岸南北相距三度三十分

西盡東經(準英經度)九十四度當通天河南北二源合流之西按自此處西至東經九十度其地皆屬青海其

未問有無的確東盡東經九十九度三十分當自河東源盡處東西相距五度三十分

面積約四十萬方里占有青海全部三分之一弱以上位置

東與川邊石渠鄧科同普昌都諸縣為界南與類烏齊及前藏納書克等三十九族為界

西北皆荒寒無人之地遙與蒙古柴達木新疆東南部相接東北與果格番昆連東西約

一千二百里南北七百餘里以上疆域

玉樹凡二十五族曰囊謙族曰拉休族曰蘇爾莽族曰蘇魯克族曰格吉上中下三族曰

中壩上中下三族曰迭達族曰稱多族曰固察族曰安冲族曰娘磋族曰玉樹四族曰扎

武三族曰永夏族曰蒙古爾津族曰竹節族

囊謙為玉樹二十五族中之一大族有分土有分民領袖各族而無管理各族之實權其

地跨據雜曲鄂穆曲兩河東與蘇爾莽為界南與昌都類烏齊及巴屑多舒瓊布噶魯色

爾扎等族白多紆以下諸族即納書克等三十九族中之數也為界西與蘇魯克中壩格吉為界北與拉休為界有

千戶一員駐色魯馬莊莊別有民千布管理千戶下有散百戶四員百長二十六員為千戶分

玉 樹 調 查 記 卷 上

理土地屬民共二千餘戶耕牧相雜

羣博百戶駐色魯馬西南八九十里之折牙馬地方管番民一百餘戶廬居耕田

洞巴百戶駐色魯馬西一百五六十里之岸陌計地方管番民五十餘戶帳居畜牧洞按

巴舊志自爲一族何時歸并蓋謙無考諸稱舊志皆指倫藏通志

阿夏百戶駐色魯馬西八九十里之打巴拉地方管番民九十餘戶帳居畜牧間有耕田者

加茶百戶駐色魯馬西十餘里之宗唐地方管番民一百餘戶半耕半牧

以上四百戶均在千戶所駐色魯馬莊輪流辦事當值百戶則有代理千戶事務之全權每日由千戶給當值者生羊肉早晚各一方其酥油炒麵皆自備而現在羣博加茶二百戶則最爲千戶所倚信

多烏一作翁百長駐色魯馬東五十六里之謙木多地方管番民三十餘戶廬居耕田

遜打迫百長亦稱百戶駐色魯馬東北九十餘里之強木曲地方管番民一百二十餘戶廬

居耕田按遜打迫亦作買蓋耕音也

茶瓦百長駐色魯馬東北八十餘里之雄郎地方管番民四十餘戶廬居耕田

羣品百長駐色魯馬東北四十餘里之打木容地方管番民十餘戶帳居畜牧

葱沙百長駐色魯馬北五六十里之打木科地方管番民三十餘戶廬居耕田

中冷百長駐色魯馬北七八十里之阪雲地方管番民十餘戶帳居畜牧

中沙百長駐色魯馬西北八九十里之阪雲地方管番民三十餘戶帳居畜牧按前清光緒十

六七年間蘘謙因川邊德格之擾上控西寧蘭州中沙百長來往遷呈有功千戶許為請充百戶未果然至今人均以百戶稱之云

達沙百長亦稱百戶駐色魯馬西北七八十里之阪雲地方管番民七八戶帳居畜牧

朶吾百長駐色魯馬西北百里之阪雲地方管番民十餘戶帳居畜牧

中壩巴羣百長 東桑百長 曲才百長同駐牧色魯馬西一百五十里之岸阪計

地方與洞巴百戶雜居共管番民二十餘戶帳居畜牧按清初收撫時止有巴軍東桑二百長距今六七十餘年前東桑

百長之弟名曲才者分立為百長即以其名名部落 又三百長均稱中壩云

加冷中壩百長現升為百戶駐色魯馬西南約百餘里之志拉博多哈地方管番民六十餘

戶帳居畜牧

協亥百長駐色魯馬南六七十里之巴隆地方管番民三十餘戶帳居畜牧

節存百長駐色魯馬東偏南六七十里之那寧地方管番民十餘戶帳居畜牧

蓋多百長駐色魯馬東南七八十里之多那地方管番民二十餘戶廬居耕田

阿卓百長駐色魯馬東偏南七八十里之加拉哈地方管番民十餘戶帳居畜牧

阿代百長駐色魯馬東偏南之雜哈地方管番民十餘戶帳居畜牧

梅鳥百長駐當木喀距色魯馬三十餘里管番民十餘戶帳居畜牧

旦那百長駐色魯馬東南九十里之保無容地方管番民十餘戶帳居畜牧

多岡馬同百長駐色魯馬東南百餘里之東岡容地方管番民十餘戶廬居耕田間有

畜牧者

色藥百長駐雜曲河北岸聶容地方距色魯馬百餘里管番民十餘戶帳居畜牧

蘇諾百長駐雜曲河北岸聶雲地方距色魯馬約百里管番民二十餘戶帳居畜牧

安登百長駐雜曲河東岸顧強雲地方距色魯馬一百二十餘里管番民百餘戶廬居

耕田

按此外尚有拉雪安可二百長未詳所在 又按上列戶數皆得自訪聞多隱匿不實度止有實數三分之一耳以下各族均仿此

扎武拉達布慶謂之扎武三族同駐牧一地_{在通天河南東以朝午拉山與川邊鄧科縣}

爲界南與川邊同普縣爲界西與蘇爾莽拉休迭達爲界北以通天河與迭達及加迭喀

桑之暗曲河流域諸族謂爲界扎武百戶駐結古一作蓋所屬百長六員曰迭馬駐巴塘曰

藍達曰哈拉休曰節綜管番民三百餘戶拉達百戶駐班慶寺附近所屬百長一員番民

一百餘戶布慶百戶駐班慶寺東登喀色莊所屬百長七員現止番民一百餘戶 扎武

有華離之地二處一在通天河邊稱多拉布迭達之交藍達哈拉休二百長所駐也一在

義曲河西迭達玉樹安冲之交節綜哈秀二百長所駐也哈秀前百長喇嘛也死無嗣現

理事哈秀三族之民廬居耕田者多帳居畜牧者少結古爲商賈走集之地二十五族之都

會也市民有二

拉休族駐牧地橫跨子曲河南北東與扎武蘇爾莽爲界南與囊謙以夏拉山爲界西與

格吉麥馬族爲界北與迭達玉樹爲界所屬百長十二名番民五百餘戶十九皆帳居畜